

ceis latiora multò & longiora, erucæ diuisura, nigricantia, pinguis ac lœvia: caulem lœuem, binum cubitorum, digitali crassitudine, prope verticem ex interuallis foliolis quibusdam, ceu alueolis, circundatum oblongis, hyacinthinis, è quibus flos prodit albus, semen oblongum ac luteum: caput verò thyrsi specie. Radices subiacent viscosæ, mucosæ, rufæ ac longæ: quæ quidem ambustis igni luxatisque impositæ prosunt: potè verò, vrinam carent, aluūmque cohibent. Phthisicas quoque, ruptis & conuulsis subueniunt.

*De Acantha Sylvestri.* CAP. xx.

Est & sylvestris Acantha, carduo similis, aculeata, breuior sativa, eaque quæ in hortis prouenit. Eius verò radix ad eadem, ad quæ superior, est efficax.

*De Anonide.* CAP. xxii.

**A**NONIS, quam aliqui ononida appellant, ramos habet dodrantales ac etiamnum maiores, fruticosos, frequentibus geniculis cinctos, multis alarum cauis praeditos, itemque capitulis rotundis: foliolis verò pusillis, tenuibus ceu lenticulæ, ad rutæ aut pratensis loti folia accendentibus, subhirutis, odoratis, nec iniucundè olentibus. Muria conditur antequam spinas producat, estque cibis gratissima. Ramuli porro spinis acutioribus ac spiculorum instar solidis,

T. j.

horrent. Radix verò candida est, quæ excal-  
facit & extenuat. Huius cortex ex vino po-  
tus, vrinam ciet, & calculos comminuit: i-  
dem ulcerum crustas emarginat. Cæterum  
radix decocta in posca, dentium dolorem  
collutione mitigat. [ Huius quoque deco-  
ctum potum, hæmorrhoidas sanare credi-  
tur.]

*De Lencacantha.* CAP. XXII.

**L**EVACANTH A radix est cyperi, ama-  
ra, & valida: quæ quidem commanduca-  
ta, dentium dolorem sedat. Ipsius verò de-  
coctum cyathis tribus ex vino potum, veteri  
laterum dolore vexatis, ischiadicis, ruptis &  
conuulsis auxiliatur. Sed & epotus radicis  
succus, eisdem præbet effectus.

*De Tragacantha.* CAP. XXIII.

**T**RAGACANTHAE radix lata est & li-  
gnosa, ac supra terram etiam eminet: à  
qua furculi humiles, robusti, latissimè fusi: &  
in ipsis foliola numerosa, tenuia: inter quæ  
aculei sese proferunt, quos ipsa occulunt,  
candidi, firmi rectique. Est & tragacantha,  
lacryma quæ super resepta radice concre-  
scit: quo in genere præstat pellucens, leuis,  
græcilis, sincera ac subdulcis. Vim porrò ha-  
bet, æquè ac gummī, cutis spiracula ob-  
struendi. Huius autem increbuit usus ad o-  
culorum medicamenta, itēmque ad tussim,  
exaspe-

exasperatas fauces & vocem interceptam,  
atque destillationes, cum melle in delinctu.  
Sed & linguæ subdita, liquefcere finitur. Bi-  
bitur quoque drachmæ pondere in passo  
macerata contra renum dolorem & vesicæ  
rosionem, mixto cornu cerui *vsto* & eloto,  
aut scissi aluminis momento.

*De Eryngio.* C A P . X X I I I I .

**E**R Y N G I V M est in aculeatarum stir-  
pium genere: cuius folia primo germi-  
natū muria condita in cibos oleris vice re-  
cipiuntur. Lata autem sunt & extremo am-  
bitu aspera, gustu aromaticā. Sed vbi auge-  
scunt, circa complures caulium eminentias  
in spinas aculeantur: in quorum summita-  
tibus globosa sunt capitula spinarum acu-  
tissimarum durarūmque ambitu stellatim  
circumuallata. Horum color aliâs viridis,  
nunc pallidus, aliâs albus, interdum etiam  
cæruleus inuenitur. Radix oblonga, lata, in  
superficie quide[m] nigra, intus verò albi-  
cans, pollicis crassitudine: quæ & ipsa odo-  
rata est, & aromaticum quiddam resipit.  
Nascitur in campestribus & asperis locis.  
Vim porrò habet calfactoriam: pota, menses  
vrinásque pellit, ac tormina inflationésque  
discutit. Hepaticis quoque, venenatorum  
morsibus, & iis qui venenum hauserunt,  
cum vino succurrat. Bibitur verò ut pluri-

T. ij.

mùm drachmæ pondere cum pastinacæ semine. Cæterum tum amuleti instar adalligata, tum & illita, discutere tubercula perhibetur. Pota verò cum hydromelite radix, opisthotonitis & comitialibus medetur.

*De Aloë. CAP. XXV.*

**A**Loë folium habet scillæ similitudine, crassum, pingue, in rotundo modicè latum retrorsum pandum. Sed utrinque habent folia ex obliquo spinulas raris interuallis prominentes, easque breues & quasi decurtatas. Caulem verò profert antherico non dissimilem, florem album, & semen cœu hastulæ regiæ. Est autem tota odore graui, & gustu amarissima. Vnica verò radice cœu palo in terram demisso nittitur. Plurima in India præpinguisque nascitur: ex qua etiam coactus succus importatur. Nascitur & in Arabia, Asia, ac in locis quibusdam maritimis & insulis, velut in Andro, non valde cli- ciendo succo idonea: sed ad conglutinanda vulnera sanè quam utilis, si trita illinatur. Duo sunt porrò succi genera: alterum arenosum, quod purissimæ veluti fæx & crassa- mentum esse videtur: alterum, quod ad iecinoris imaginem vergit. Eligito pinguem, quæ nihil doli senserit, calculorum exper- tem, nitidam, subflauam, friabilem, iecinoris modo coactam, quæque facile liquefacit,

eximiæ-

eximiæque sit amaritudinis. Nigram contrà fractuæ contumacem improbato. Sunt qui eam gummi adulterent: id quod gustu, amaritudine & odoris vehementia deprehenditur, eoque indicio, quod attrita digitis non ad minima vsque ramenta resoluatur. Neque desunt qui acaciam immisceant. Vim habet astringendi, somnum conciliandi, exicandi, corpora densandi, aluum soluendi, stomachumque repurgandi, si binum cochlearium mensura ex aqua frigida aut lactis instar tepida seu egelida bibatur. Sanguinis etiamnum excreções fistit, & morbum regium emendat, ex aqua tribus obolis, aut drachmæ pondere, in potu. Deuorata verò cum *resina*, aut aqua vel melle cocto excepta, aluum soluit: ternum autem drachmarum pondere, perfectè purgat. Sed & aliis purgantibus medicamentis admista, præstat ut minus stomachum infestent. Sicca verò inspersa, vulnera glutinat, ylceraque ad cicatricem perducit cohibetque: eadem peculiariter exulceratis genitalibus medetur, & disrupta puerorum præputia agglutinat. Quin & condylomata rimásque sedis dulci vino ammixto sanat. Sanguinis ex hemorrhoidibus eruptiones fistit, pterygia ad cicatricem ducit: liuida & sugillata, hypopædia, ex melle tollit. Scabras quoque lip-

T. iij.

pitidines, angulorumque in oculis prurigines mitigat. Dolorem capitis sedat, ex aceto & rosaceo fronti ac temporibus illita. Sed & cum vino fluentem capillum continet: itidemque tonsillarum, gingivuarum cætrarumque oris partium virtus cum melle ac vino proficit. Cæterum ad oculorum medicamenta torretur in munda & candente testa, ligulaque subinde versatur, donec & qualiter tosta fuerit. Lauatur & aloë: atque id quod arenosum sublidet, tanquam inutile secernitur: pinguisimum autem quodque læue est, recipitur.

*De Absinthio.* CAP. XXVI.

**A**BSENTIUM, bathypitron dictum, herba est vulgo cognita. Præstantius in eo genere, quod in Ponto & Cappadocia in monte Tauro appellato nascitur. Vim porrò habet calfaciendi, astringendi, concoctiones adiuuandi, biliosaque detrahendi, quæ stomacho & aluo inhæserunt. Vrinam etiam cit, & crapulam in potu præsumptum arcet. Valet & aduersus inflationes, itemque ad discutiendos ventris & stomachi dolores, cum seseli aut nardo Celto potum. Faftidia quoque absterget, arquatōisque sanat ipsius madefacti dilutum, vti & decoctum, quotidie tribus cyathis haustum. Sed & menses trahit seu potum, seu etiam cum melle

melle appositum. Contra fungorum stran-  
gulationes conuenienter ex aceto bibitur.  
Lyno autem, ixiae necnon & cicutæ vene-  
ni; aduersatur, ac muris etiam aranei mor-  
sibus, itémque draconi marino. Anginæ eo  
cum melle & nitro perunguntur, vt epiny-  
ctides ex aqua. Ad lugillata hebetiorēmque  
oculorum aciem ex melle illinitur, simili-  
tique auribus sanie manantibus. Quin &  
aurium dentiūmque dolores decoctum va-  
poris suffitu compescit. Decoctum vna cum  
passo, vehementer dolentibus oculis adhi-  
betur. Imponitur & hypochondriis hepati-  
que diuturno dolore infestatis, tritum cum  
cerato cyprino: stomacho verò longa vale-  
tudine laboranti, cum rosaceo. Admistis fi-  
cubus, nitro & loliacea farina, hydropicis  
lienofisiisque subuenit. Vinum denique ex eo  
paratur quod absinthite vocant, præsertim-  
que in Propontide & Thracia: quo ad ante-  
dicta vtuntur, si febris abest. Adde quod de  
ipso æstate propinant, corporibus bonam  
valetudinem præstare existinantes. Credi-  
tur & vestiariis arcis inspersum absinthium,  
vestes à tinearum iniuria vindicare: itém-  
que ex oleo perunctum, culices abigere, & à  
corpo arcere. Cæterūm atramentum li-  
brarium ex diluto eius temperatum, libros  
à muscularum erosione tuetur. Existimatur

T. iiij.

& expressi succus eosdem præstare effectus.  
Attamen potionibus improbatum, quod sto-  
macho sit inimicus, dolorēmque capi-  
cieat. Sunt verò qui succum amurcæ de-  
stæ permisitione adulterant.

*De Absinthio marino.* CAP. XXVII.

Absinthium marinum quidam Seriphium  
vocant: quod quidem copiosissimum in  
Tauto monte iuxta Cappadociam gignitur,  
& in Taphosiri Ægypti. Id Isidis lacris ini-  
tiati pro oleagino ramo præferre solenne  
habent. Est autem herba prætenuibus sur-  
culis, abrotoni parui similitudine, minutu-  
lis referta seminibus, subamara, stomacho i-  
nimica, graueolens, & cum quadam calfa-  
ctione astringens. Hæc per se aut cum o-  
ryza cocta, assumptaque cum melle, ascaridi-  
das teretisque lumbricos enecat, leuiter si-  
mul & semel aluum subducens. Sed & cum  
sapa aut lenticula decocta, eadem præstare  
potest. Cæterūm pecora hoc maximè pabu-  
lo pinguescent.

*De Absinthio Santonicō.*

CAP. XXVIII.

Est & tertium Absinthij genus, quod co-  
piosissimum in Gallia Alpibus finitima na-  
scitur. Id patrio nomine Santonicum ap-  
pellant, tracto à Santonum regione, in qua  
gignitur, cognomento. Absinthio est simile,  
attamen

attamen non adeò seminis fr̄ecundum, ve-  
rūm subamarum & eiusdem cum Seriphio  
facultatis.

*De Abrotono.* CAP. XXIX.

**A** BROTONVM duorum traditur gene-  
rum: ac fœmina quidem, frutex est ar-  
boris specie, candicans, foliis circa ramulos  
Seriphij modo minutim incis̄, floribus re-  
fertos habens in summo quasi corymbos,  
auri fulgore, æstate prouenientes, iucundi  
odoris cum grauitate quadam, at gustu a-  
maro. Hoc genus Siculum esse creditur. Al-  
terum mas vocatur, farmentosum, gracili-  
bus rāmulis, velut absinthium. Plurimum in  
Cappadocia gignitur & Galatia Asiatica, at-  
que in Syria Hieropoli. Vtriusque semen  
seu feruefactum, seu crudum tritum & ex a-  
qua potum, orthopnœæ, ruptis, conuulsis, is-  
chiadicis doloribus, vrinæ angustiis & men-  
sibus commorantibus auxiliatur. Est & in  
vino potum exitialium venenorū antidotum.  
Rigore prehensis ex oleo vtiliter illi-  
nitur. Serpentes quoque tum substratu, tum  
etiam nidore fugat. Sed & contra morsus  
eorum cum vino bibitum prodest: priuatim  
verò pollet contra phalangiorum & scor-  
pionum ictus. Subuenit & oculorum in-  
flammationibus, cum cotoneo cocto aut  
pane impositum. Discutit quoque panos,

cum farina hordeacea cruda tritum decoctumque. Miscetur denique & olei irini compositioni.

*De Hyssopo.* CAP. xxx.

**H**YSSOPVM herba nulli non cognita, duum est generum: montanum enim quoddam est, hortense alterum. Laudatissimum est, quod in Cilicia nascitur. Vim habet attenuandi & excalfaciendi. Decoctum cum fiscis, aqua, melle & ruta, potu peripneumonicis, asthmaticis, diuturnae tussi, distillationi & orthopnoeae auxiliatur: itemque ventris animalia enecat. Idem prestat, si cum melle delingatur. Humores crassos per aluum extrahit eiusdem decoctum, cum oxymelite potum. Estur & cum viridibus fiscis detritis ad subducendam aluum, sed valentiis deiicit, admisto nasturtio vel iride aut irione: meliorem quoque colorem cuti conciliat. Lieni vero ac hydropi cum fico nitrone illinitur: ex vino autem, inflammationibus. Discutit & fugillata, cum feruente aqua impositum. In anginis cum decocto ficuum efficacissime gargarizatur. Cæterum cum acetō decoctum, dentium dolorem collutione mitigat, & aurium inflationes vaporis suffitu discutit.

De